

E jere cussì

Jò da frût cu la miserie
'o scugnivi sol tasé,
'o cjalavi la cjalderie,
simpri vueide pà la fé.

Ma par chèst no mi rabiavi,
sol speravi tal domàn
e di gnòt io mi sumiavi,
di tignì un pagnùt in man.

Di buinore indurmidît,
jò scugnivi pur jevà
e pe' fignestre instupidît,
ben cjalavi cà e là.

E cussì freant i voi,
sol speravi e mai sigûr,

Poesie e Racconti Friulani

che un pagnût o forsi doi
vares çjatât, so levi fûr.

Ma rivât da pît de scjale
no capivi la reson,
viodi pronte li che pale,
par podé mangjà un bocon.

Ma pur simpri jò crodevi,
fiduciôs in tal doman,
gran sperance simpri 'o vevi,
che il Signôr mi dês 'ne man.